

FAJUUMENUMI SIDRUWAAS SATI ANAU

WANDOMI :

Yíneni aat mati faŋaaf fati anau di sidruwaas soola, san umaje sirere di saasu ban poop sisofut di uceen soo silakom fujuumaf fati di malegenam, di kairaay di dúniaay búrom ;

Yíneni jaat anau nasonsoŋ mati kámanjaataak di eñoosey sidruwaas sati anau soo siŋarulomi mákojiam, ban malegen munkul mujawulojaw di dúniaay man Anoosan muŋooleŋoolen usanken man súumimi nusof man súumimi, nupak di mákooleniam di bugaalab ;

Yíneni jaat mati sensen man aakemmi mofam apooy sidruwaas sati anau, takumŋjarul anau tuuñool eri manakaan wajakut ;

Yíneni jaat mati káliŋen bapaalaay bati síukas jajak;

Yíneni jaat di kabaatak kati dúniaay búrom, bukanak kulanlaañ kúyiisen mankusofumi sidruwaas sati anau di faŋaaf fati anau di malegenaam mati anan di kare'enak búrom aniine di aseek ban poop kujunjuum burok man mati anau mujaw fáculey;

Yíneni jaat mati síukas sándomi soo di "Organisation des Nations Unies" sijunjuum ejuum yati sidruwaas sati anau di dúniaay búrom sikaani.

Yíneni jaat mati sidruwaas sati anau kankan waaf wáamak wáriiŋe ejuum man wasankeníŋaa ukaani.

Asambule Seneraal

Esosof mati furimaf ufe fujuumenumi sidruwaas sati anau kankaamn waaf wajake máamak bee bukanak búrom di síukas búrom. Moo kaane jajak man bukanak di síkafaas kujuum mankuliŋenufo di kúyiisenufo kuñiilak ñatimkaraŋ mukaanaam moomu búrom eñesey maapi kaanimi man dúniaay búrom éyinen di ekaan siluwaas soosu nen mansiregumi eeno.

Fujuum 1

Bukanak búrom nan kuwolimi kurere kererer di waafaw búrom. Kubabaj poop búyejet di karampenoor.

Fujuum 2

Anoosan nababaj sidruwaas soosu búrom; bajut aseek bajut ániine, bajut an ati kansanken kúbúto, bajut an ati kapongol kúbuto, bajut paarti ébuto, bajut an abaji di muceen benen bajut ró kápajul kuceen kati pólitik kati luwa mba kati ésuk, yabaje faŋaaf fooliyo mba ebajut.

Fujuum 3

Anoosan nababaj druwa ebaj fuyiifaf foola, ebaj kapooy kati faŋaaf fool a di kaano nen man amaŋumi eeno.

Fujuum 4

An letalako amiikeel ati akeen, letarok bee akeen; ban poop miikeliyaay di kanoomen kati kumiikeel firenifiren.

Fujuum 5

Bajut katoorandiŋ an; an létassuutukeni.

Fujuum 6

Anoosan oomu di druwaay yoola banooban ban ammi.

Fujuum 7

Luwaay ere'en re'en bukanak búrom anoosan nababaj kapooyak kákonak kati luwaay. Anoosan nababaj kapooy mba mukaanaay máluse furimaf ufe.

Fujuum 8

Anoosan nuŋooleŋoolen ulamandi furim mba mukaanaay máluse sidruwaas soosuña san umanjumi luwaay eseneso.

Fujuum 9

An letuŋoolen ulaaf an manusofool, nukulool mba nukesoorool.

Fujuum 10

Anoosan nubabaj druwa káyiisen di bantabaay wabajimi tiribinaal yan umanje elaañut di anoosani yooyu eje'em bee efeley.

Fujuum 11

Luwaay yoone an anoosan kurege oo akaane mátaaŋiye kulaafoolaaf bee funakaf fati kiitiyey yiiseni jaat wakaanumi mankoone akila akaane oo babajerab kujuumak koola.

An leekukulool mati waaf wan umanje nan ukaanumi ulakout wátaaŋiye di luwaay di poop an letakaanool saariyoŋ yawuuje yawarin ekaani.

Fujuum 12

An uwarut unoken di mukaanaam mati an, síndaay yati an, mba tan tati an mba nuyenten faŋjaaf foola mba nukajen kajamaak koola. Luwaay epoopooy anau di waafaw búírom.

Fujuum 13

An anoosan nababaj druwa ejaw ban súumoomi di ekin ban súumoomi di ésukey yoola.

Anoosan nababaj druwa épur mof haani moola di elaañul nan súumool.

Fujuum 14

Nan táaŋimi anoosan nuŋoolene ujaw úgongoto do mof múbuto.

Letuŋoolen ubaj kágongoto kukila lako jaat nububuj an.

Fujuum 15

Anoosan nubabaj druwa ebaj mof miiya.

An letaŋoolen áfiren an mée ebaj mof moola mba épur di moo.

Fujuum 16

Akambaani di ajarja káriiŋe búyebo Kuŋoolerŋoolen kuyaboos mankubaj kuñiil bápaŋuloorut sisiw mba síruk mba buŋarab. Kurere di kayaboosak di búyebaab di ebaney yoolibo.

Búyebaab mambukaan, kuyaboosak kujamoor.

Bukanak kakinum di kaakemmi mofam kuwawar kupooy fiilaf falakomi fufaaraf fati kalakaak.

Fujuum 17

Anoosan, nababaj druwa ebaj waaf woola fúko'ol mba wan kunampoore di kupaalool.

An letuŋoolen ubot fubaj fati ata fo di mée.

Fujuum 18

Anoosan wuniwun, manubaj kawonoor kiiya, ejuk yiiya di buŋar biiya, súumi jaat nuŋoolene úruuŋ mba núje'etum buŋarab biiya tiyaŋaraay nen man bucceŋum eeno.

Fujuum 19

Anoosan nababaj druwa, ebaj kawonoor kiiya di káyiiisen ko nen manumaŋumi eeno. Yoo elakomi an awarut ajaakali ebaj siwonoor soola. Naŋoolerŋoolen ayab kurim mba siwonoor san aŋoolene afasiken dóo ésukool mba tiyaŋ.

Fujuum 20

Druwaas ewuwun anoosani manajuumen kámit mba káfa yati kásuumaay.

An letuŋoolen unoken an di káfa yanamaŋut.

Fujuum 21

Anoosan nuŋoolerŋoolen ulako di fujuum fati mukaanaam mati mofam miiya mba nubaj kan úfojule kaje'e beet ejuumi.

Anoosan nuŋoolerŋoolen ubaj fujuum di mukaanaam mati mofam miiya.

Kamaŋjak kati bukanak koo kukiimi sembaay yati kaakemmi mofam. Kamaŋjak kukila woteey éyiisenemi ko. Moo kaane woteey ekila ewawar ebaj waati di waati.

Fujuum 22

Anoosan tan ukinumi sensen manubajuto kayeraay yoola. Kayeraay yooyuña éjowumulojowum di sidruwaas sati fubajaf di sati tan akinumi di sati mukaanaam moola. Kayeraay yooyu an afjoolent ábajaatiyo; moo kaane ésukoo ésuk enampoonampoor di sisuk saasu man kayeraay yooyu ekila ebajo.

Fujuum 23

Anoosan nababaj druwa ebaj burok básuumoo.

Bajut aseek bajut ániine anoosan aroke burok nababaj druwa mankucaamool bacaam bare'e nan burokab banakaanumi.

Anoosan ammi di burok kuwawar kucaamool yaj manafjoolen acookoor síndaay yoola, nafjoolen abaj kayere di fafjaaf foola.

Anoosan nababaj druwa kajuumen fujum fati kurokaak, nafjoolefjoolen en poop ánokendo mankumak aajaay.

Fujuum 24

Anoosan nababaj druwa ebaj kunak kati kayoolo, kati fúraar. Waatay yati burokab ewawar erewoor ban di ebaj waati yati kayoolo ban pankucaam bukanak.

Fujuum 25

Anoosan nababaj druwa wákoyume bee akila, bukanak koola, furiaf wañaw di tan akinumi wawar jak. An másuumaati mubaje nen kásumut nen an ataool ájime mba an eluupool efumoc. Bukanak kuwawar kurampenool.

Mudeenanaam di kuñiilak kuwawar kubaj kákaanum di karampen káamak. Kuñiilak búrom "Kabaji di kayaboore mba kayaboort" kure'e. Koo búrom kuwawar kubaj kacookoor kajake.

Fujuum 26

Anoosan nababaj druwa kakaraŋ an awarut acaam kakaraŋ. Añiil nawawar akaraŋ bacaamut waafowaaf kakaraŋ kati siteginikas di kati burok kuwawar kúkambuli di bukanak búrom. Silekoolas sámakas poop bajut káfajul.

Nafaay yati kakaraŋjak yoo eenom majakaam mati anau di fafjaaf foola. Kakaraŋ kujunjuum fujuum fati epooy sidruwaas sati anau; yoo yákoney ebenenbenen bapaalaab di mof majuupoe di tutooraay yati mof majuupoe di sisiw sajuupoe di bukan kanaamut di ufjar di wanoosan wakaanimi man kayeraay elako di dúniaay.

Kubajaak kati kuñiilak koo koote kanoken kuñooliil di kakaranŋ kan koo kumanfjumi.

Fujuum 27

Anoosan nababaj druwa ekaan mukaanaam mati bukanool, nañes mammujaw fácul mammunafaool.

Anoosan ajoonene waaf mba naciik waaf, luwaay ewawar eppooyuwo.

Fujuum 28

Anoosan nababaj druwa man majoone mulako di mofool di dúniaay maje'e bee ekaan man siluwaas sammi di kaytak uke siŋjoolen sirok jak.

Fujuum 29

Anoosan nawawar anafa kan kukinoorumi, bukoo keb kuŋjoolene kurampenool man moola mujaw fácul.

Man kakinoorak kúsuum, babaj luwa yajuumeni mati mati manemat sidruwaas soola di mukaanaam mati bukanak an anoosani sidruwaas soola di majakaam moola murelore tan maamu mati aamu mutoofjumi.

Sidruwaas di siluwaas san ujukulaaña siwarut sipur di wan sisukas sati “Nations Unies” sisofumi.

Fujuum 30

Waaf úleero di kayitak uke wan umanje an mba bukan mba mof muŋjoolerjoolen mújowum to mammukajen sidruwaas di siluwaas sándomi kayitak asambule seneraal yati óni éyinenyinenuko eban di épurenuko di burokab booliyo n° 217 (III) bati fuleerjafu fati desambuur nan fubajumi kunak uñen di emitey 1948.